


მწყმესი



მე ვარ მწყმესი კეთილი: მწყმესმან კეთილმან სული თვისი დაჰსდეს ცხოვართთვის. იოან. 10 — 11.
შავეც ცხოვარი ჩემი წაწყმედული. მსრეთ იყოს სიხარული ცთა შინა, ერთისათვის ცოდვილისა. ლუკ. 15—4.
მოვევით ჩემდა ყოველნი მაშურალნი და ტვირთ მძიმენი და მე განგისვენოთ თქვენ. მათ. 11—28.

№ 5


1883—1904

15 პარტი

მწარე უძიკაბი.

ქეშმარიტად მართალი სთქვა თავდამა მეშწერსკომ, რომ ჩვენი უჯრანლ-გაზეთების რედაქტორები გაგიჟდენ და რალასაც სწერენ, აღარ იციანო. მართლაც, რომ დააკვირდე კარგად მათ ნაწერებს და მათ მსჯელობას ომის შესახებ, გაგიკვირდებათ. ეს ომი ისე ადვილად მიაჩნიათ, როგორც ომები ახალტეკეს და კასპიის ზღვის იქითა მხარეს. ომიანობა ადვილად მიაჩნიათ ამისთანა შორეულ ადვილას! მართალია რკინის გზა არის, მაგრამ ამ სიშორეზე ჯარების მათის სურსათით და ყოველივე საჭირო ნივთებით ვადაზიდვა სამძიმოა. ცხადი და აშკარაა, რომ იაპონიას ერთი და ორი სახელმწიფოც რომ კიდევ მიემატოს, ვერ გამოიყვანს იმდენ ჯარს, რამდენსაც რუსეთი გაიყვანს ომის ველზე.

ცხადია, რომ რუსის სალდათს მამაკობაში ვერცერთი სახელმწიფოს სალდათი ვერ შეედრება, მაგრამ ჩვენ სულ სხვა გარემოებას უნდა მივაქციოთ ყურადღება. უკანასკნელ ომიანობის დროს სათათრეთთან ომის ველზე სამი გენერალი მოკვდა, მაგრამ შვიდი გენერალი სახადი ავადმყოფობით, ხურეგებით გარდაიცვალენ. არასოდეს არ იხოცებოიან იმდენი სალდათები ომის ველზე, ჩხუბში, რამდენიც სახადი ავად-მყოფობით, ისე უოზარად. ყირიმის ომის დროს სვესტოპოლის ომის დრომდე გამოანგარიშებული იყო ოცდაათი ათასი კაცი მომკვდარი ომში, მაგრამ ამავე დროის გამოანგარიშებით ექვსასი ათასი კაცი იყო მომკვდარი სხვა-და-სხვა გადამდები სნეულობით და დაქირლთა მოუველელობით. 1812 წელში რუსეთში შემოვიდა ნაპალეონი თითქმის ნახევარი მილიონი ჯარით. ომში მას სულ



ცოტა დაეხოცა, რადგან ჩხუბი მინც-და-მინც ბევრი არ შეხვედრია, მაგრამ ასი ათასობით ეხოცებოდა სალდათები ხურვებით და მუცელათი. მოსკოვში როცა შევიდა ნაპალკონი მეხუთედი ნაწილი სალდათებისა აკლდა. საზოგადოდ გამოანგარიშებულა, რომ ჩხუბში ომის ველზე ერთს მოკლულზე ექვსი კაცია მეკვდარი სხვა-და-სხვა უბრალო ავადმყოფობით. მართალია ეხლანდელი დრო ჯარის კაცთა მოვლისა და ექიმობისა სულ სხვაა და წინეთ სხვა იყო, მაგრამ დიდი ყურადღების მიქცევა საჭირო ჯარის კაცთა ჯანმრთელობაზე და საზოგადოდ მათ სანიტარულ მდგომარეობაზე.

უკანასკნელ სათაართეთთან ომის დროს პლევნაზე თავდასხმის დროს დაიხოცენ სალდათები შესამწვეად, თორემ სხვა ადგილებზე ომის დროს იმდენი არ დახოცილან არც ერთ ადგილას რამდენიც უომბროდ ბალკანის მთაზე ზამთარში დაიხოცენ. ჩვენის ფიქრით ბალკანეთის ადგილები უფრო ბევრად საადვილო მისახწვევი იყო ვინემ კორცია და იაზონის ადგილები.

* *

ნეიტრალიტეტი გამოუცხადა თითქმის ყველა სახელმწიფოებმა, მაგრამ განა გულწრფელია მათი განცხადება? დაეჯეროთ, რომ ჩინეთი გულწრფელია მოიქცევა ბოლომდის? განა ჩინეთი გულთა და ხულით არ მოიმდომებს მანჯურიის დაბრუნებას? ქემპარიტად ყოველ შეგნებულ კაცს მწარე ფიქრებს მოგვირის როცა ზოგიერთ ქურნალ-ვახეთთა ახირებულ მსჯელობას მოისმენს...

* *

ვაი იმ შეგნებულ კაცის ბრალი, რომელიც ცხოვრებს უნებლიეთ შეუგნებელ საზოგადოებაში. რამდენ ქორებს, რამდენ ამაოდ მორწმუნეობას და რამდენ დაუჯერებელ ამბებს გაიგონებს! ამ ორი კვირის წინად ჰაერში, როგორც ჩვენში ამბობენ ხოლმე, მოწყვეტილი ვარსკვლავის მეტეორის სინათლე შეინიშნეს. ყოველი სოფელი ამბობს, რომ ჩვენ სოფელში ჩამოვარდა ვარსკვლავიო. რამდენ ნაირად ხსნიან ამ უბრალო ციურ მოვლენას, ვინ მოსთვლის. ზოგიერთები იმდენად სულელუები არიან, რომ ამტკიცებენ: იაზონიდან ნასროლი პატარა ყუმბარა იყოფიო!.. მოდი ნუ გაგვიცნებთ თქვენ, რომ ასე სამწუხარო არ იყოს!..

* *

მღვდლებში ვაერცულდა ხმა, ვითომ ჯამაგირები აღარ მიეცემათ, რადგან ომიანობა არისო. ეს აზრი

გამოყავთ იქილამ, რომ ჯერეთ იმერეთის სამღვდლოებას კრედიტი არა აქვს გახსნილი. არ იციან საწყლებმა, რომ ფულები პირველი იანგრიდან მოსულია ხაზინაში, მაგრამ კრედიტი არ გაუხსნიათ კიდევ ჯერეთ რადგან საეპარქიო კანცელარიის სამღვდლოების სია ვერ შეუდგენია და არ უქცობებიან ხაზინისათვის თუ ვისრამდენი ფული უნდა მისცე ხაზინიდან. ამ სიების თავის დროზე შეუდგენილობამ კანცელარიებისაგან მრავალი ქორები დაბადა საზოგადოებაში. მაგრამ ამაში კანცელარიის გარდა თვითონ ბლალჩინებსაც ბრალი ედებთ, რადგან ეს უკანასკნელი თავის დროზე წესიერად შედგენილ სიებს არ ადგენენ თუ ვის რამდენი შევსდება ჯამაგირი სასწავლებელთა სხვა-და-სხვა გადასახდა გამოიციხები. დღეს, მაღლობა ღმერთს გაიხსნა კრედიტი და განქარდა ქორებიც.

* *

ჩვენ კურთხეულ ქუთაისში ამასწინეთ შუადღისას შეიარაღებული კაცები შებრძანდნ ბანკში, მოითხოვეს ფულები, მიიღეს და წაბრძანდნ თავისთვის. ბანკში მოსამსახურენი ცალკე ოთახში შეაბრძანეს და დაამწყვდიეს. როგორც გამოუცდელი ეს ყაჩაღები ადვილად მიავდნ და ნაძარცვიც დააბრუნებინეს უკან. მეორე ადგილას რვა საათზე, ოთხად სხვა ყაჩაღები, შეგვრდნ გოკიელოვის მაღალიაში და კასის გამარცხა მოისურვეს, მაგრამ ერთი მოსამსახურე სახლის თავზედ ავიდა და დაიწყო ყვირილი: გვიშველეთ, ყაჩაღები დავეცვა თავსო. გარეთ მდგომმა ყაჩაღებმა თოფი ისროლეს მის წინშად, რომ შიგნით მყოფი ყაჩაღები გამოსულიყვნენ გარეთ; მათ ცოტა რამ იგდეს ხელთ და წაიგდნენ თავისუფლად. ნეტავი ამ დროს სად იყვნენ ქუჩის დარაჯები? ამბობენ ამ დროს ყველამ მაღალიაში დაქცაო! მიშველენაც სწორეთ ამას ქვიან!.. აი მეოცე საუკუნის დასაწყისის დრო, რომელსაც ასე ალტკეებით მიეგებებო! იმედი გვქონდა ჩვენ ქვეყანაში დამყარდებოდა მშვიდობა და კაცთა შორის სათნეობა. მაგრამ ღმერთმა მტერს ააშოროს ის მშვიდობა, რომელიც ზოგიერთებს მიაღვათ... სასწავლებლებში და საზოგადოებაში ისეთი დაუჯერებელი საქციელი იხიბს, რომელიც არც არავის უნახავს და არც არავის გაუგონია. ნეტავი რას უნდა მივაწეროთ ეს? განათლებას თუ დაბნელებას? წინ სვლას თუ უკუღმა სიარულს? ესეთი გახლავსთ ურწმუნოების და უზნეობის ნაყოფი!.. ესეთია ცარიელის სულით აღჭურვილი მეცნიერება..

სოფლის ხუცესი.



მიზეზები კაცის მრავალ უზადურებათა.

(ნათარ. ფრიდრიხ კირხნერის წიგნიდან «გზა ბედნიერებისაკენ»).

უმაღლესი ბედნიერება.

(გაგრძელება*)

ფილოსოფოსებს სოკრატს, სპინოზას და გეგელს უმაღლეს სიკეთედ, ბედნიერებათ შეცდომით სისტემატიური ცოდნა ჰგონიათ. რა თქმა უნდა, ცოდნა წარმოადგენს ძალას. სერიოზულად, ნამდვილად განათლებული ადამიანი უფრო ადვილად გაიკაფავს ცხოვრების გზას, ვიდრე გაუანათლებელი და უსწავლელი; ამასთან, თქმა არ უნდა, რომ ცოდნა უფრო საიმედოა ვიდრე სიმდიდრე, ჯანის სისალესიმრთელე და მაღალი ადგილი. განსაკუთრებით მეცხრამეტე საუკუნის განმავლობაში მეცნიერებამ ძრიელ დიდ გავლენა მოიპოვა ბუნების ძალებზე, რადგანაც აღმოაჩინა წინა დროის ადამიანთათვის უცნაური კანონები. ნაწინასწარმეტყველვეი, რომ ადამიანი უნდა შეიქმნეს ბატონად დედა-მიწისაო, ლამის უკვე შესრულდეს. სხვა-და-სხვა განკარგისებული იარაღების საშუალებით ადამიანმა მიაღწია ან შეიძლო გამოერკვევა ბუნების მრავალ მოვლენათა საიდუმლოებისა, ისეთი რამეები აღმოაჩინა და გამოიგონა, რასაც ასის წლის წინედ მეცხოვრებნი ამ ჯაღოსნობის საქმედ ჩასთვლიდენ და ან აღვირაუსსმელი გიჟი ოცნების ნაყოფად. მან (ადამიანმა) მიაგნო და გაიცნო წინედ ვაუგებარ-გამოურკვეველ მოვლენათა საიდუმლო მიზეზები, გარეშე ბუნება დაუმორჩილა თავის ძლიერებას, შეისწავლა და საქმითაც გამოიყენა მისი კანონები. მაგრამ ამით კაცობრიობას დაეტყო ვაბედნიერება? ადამიანმა განაძრიელ განვიადებული აზრი არ შეადგინა ცოდნის შესახებ? განა ის ძრიელ დიდ მნიშვნელობას არ აძლევს მას? მართალია რომ გონებრივ განვითარების შესახებ უფრო ბევრსა ზრუნავენ და ფიქრობენ, ვიდრე შესახებ ხასიათის შემუშავებისა, განმტკიცებისა და გაფაქიზებისა? მართალია, რომ ცხოვრებაში გონებრივ მხარეს უფრო დიდს ყურადღებას აქცევენ, ვიდრე ხასიათსა და ზნეობრივ თვისებებსა? ორთქლის მანქანამ, ამ მართალია და საოცარმა გამარჯვებამ ადამიანის ქეჟუსამ, არ გამარავლა რიცხვი და არ გააძლიერა მოქმედება საზოგადოებრივ

უბედურებათა? განა კაცობრიობამ ბევრი სიმდიდრე მოიხვეჭა იმის წყალობით, რა დღეს ყოველიფერი მზადდება წინანდელზე იაფად, სწრაფად და უფრო ადვილად? კეთილ-დღეობის წარმატებამ არ დაბადა და არ გაამრავლა იმავე დროს უკმაყოფილება და გაატყუბული სურვილი ქვეყნიური სიამოვნებისა? განა ავად-მყოფთა რიცხვი შემცირდა მას შემდეგ, რაც მათ მიზეზებად აღიარებულ იყვნენ ბაცილობები (პატარა-პატარა, თვალისთვის უხილავი ქიბები)? განა იმ სწავლა-ცოდნამ, რომელსაც დღეს იძენს უმრავლესობა და რომელიც აღემატება ორასის წლის წინედ მცხოვრებ ფილოსოფოსების ცოდნას,—განა იმ ცოდნამ ადამიანებზე გააბედნიერა? განა განათლების ფართო გავრცელებას თან არ მოჰყვა შემცირება ცხოვრებაზე მხიარული შეხედულებისა (жизнерадостности) და დაქვეითება ზნეობრივად? ამ სახით, ჩვენ ვხედავთ, რომ ცოდნა, თვისის არსით, არ შეიძლება სიკეთედ, ადამიანის გამაბედნიერებლად ჩავთვალოთ. «თქვენ ყოველთვის არ იძლევით სიცხოველეს ოქროს სხივებ ცოდნისაო! ნეტავ იმათ, ვისაც ცოდნის გულისთვის არ დაუკარგავს ნიჭი მგრძნობელობისა».

რას წარმოადგენენ მგრძნობელობითი (чувствительный) შეგება-ღსენა და ქვეყნიური სიამოვნება? არისტიბი სიამოვნებას სხეულისას სოვლიდა უმაღლეს სიკეთედ; ეს შეხედულება მშვენიერათ და მკაფიოთ გამოუთქვამს წინასწარმეტყველს ესაიას შემდეგ სიტყვებში: «მოგვეცით დღეს ვჭამოთ-დავლიოთ, რადგანაც ხვალ დავიხოცებთოთ». ასევე ჰუიქრობდა ებაკური, რომელიც ყველაზე მაღლა აყენებდა ვენბატანჯვითა არ-ქონას (отсутствие страданий). რა მრავალი მომზებ ჰყავს ამ ფილოსოფოსს ამ დრო-შიაც-ი! მაგრამ რა შემცდარი შეხედულება! განა შეიძლება უმაღლეს სიკეთედ ჩაითვალოს ლხენასიამოვნება, რომელსაც ასე სწრაფად ბოლო ედება, აჩლუნგებს მგრძნობელობას, ბოლოს გვიხადება კიდევ და ხშირად ცული შედეგიც აქვს! ამასთანავე ხორციელ სიამოვნებას (наслаждение) მიზიზიდელი ძალა აქვს მხოლოდ იმ დრომდე, ვიდრე ჩვენ იგი ჯერ არ გამოგვიცდია. რუსისა სამართლიანად ამბობს: «გამოხატულება (воображение) მრავალ-ფერად უფარ ამკობს მას, რაც ჩვენ უკვე ხელთ გვაქვს, რაც უკვე შეგვიძენია; დაბრმავებას ბოლო ედება, როდესაც იწყება რისამე ხელში ჩაგდება». მერე, წრე შესა-

*) იხ. «მწყემსი» № 22, 1903 წ.



ძლის ღებნა-სიამოვნებათა ძრიელ შემოზღუდულია და ყოველივე ის, რაც ამ წრეს გარეთ იმყოფება, უქვეყნოდ როგორმე ტანჯვა-ვაებას მოგვაყენებს. ეან-პოლი აფასებს სიამოვნებას იმის მიხედვით, თუ როგორი კვალი დაუტოვებია მას ჩვენს მესხიერებაში; თუ ჩვენ ვერ შეგვიძლიან იგი გავიხსენოთ სიხარულით და დამშვიდებული სინდისით, მაშინ სიანოვნება საძაგელია და არ სასურველი. ადამიანმა უქვეყნოდ უნდა ამოირჩიოს ორში ერთი: ან ფიზიკური სიამოვნება და ან სულიერი, — ერთ-ერთზე უარის თქმა აუცილებლად საჭიროა. თუ ჩვენ, ფერ-გიუზონისა ვრ იყოს, უმაღლეს სიყვთედ ჩავთვლით თავიანთ-შენახვას, თავის დაცვას (самосохранение), მაშინ ერთმანეთში გადავრევთ მიზეზსა ჭ შედეგსა, ხესა და ხის ძირკვსა. ყოველი ჩვენი მოქმედება გამომდინარეობს უმთავრესად თავის-დაცვის გრძნობისაგან, მაგრამ იგი არასგზით არ შეიძლება ჩაითვალოს საბოლოო მიზნად.

ნ. ხ. — კ.

(გაგრძელება იქნება).

იმერეთის ეპარქიის სამღვდლოების დეკრეტების კრება ძ. შუთისში 15-22 დეკემბერს 1903 წ.

გაგრძელება *)

18 დეკემბერს კრების თავსმჯდომარემ სხდომის გახსნის შემდეგ წაუკითხა დებუტატებს იმერეთის ეპარქიის ვაბრიელის ქალების სასწავლებლის რჩევის მოხსენება, რომლითაც რჩევა ითხოვდა მეშვიდე დამატებით კლასის გახსნას. „მეშვიდე კლასის უმექონელობა, სწერდა თავის მოხსენებაში სასწავლებლის საბჭო, ჩვენი ეპარქიის სასწავლებლის კურს დამთავრებულთ ბევრ რამეს უკარავას. მე-7 კლასი თუ გაიხსნა, მაშინ ეპარქიის სასწავლებლებში კურს დამთავრებულთ გზა გახსნილი ექნებათ ყოველ წოდების სამსწავლებლო ასპარეზზე. იმათ ადვილათ მიიღებენ მასწავლებლებათ ქალების გიმნაზიაში, სადაც დიდ ჯამაგირს მისცემენ. ერთი სიტყვით მეშვიდე კლასის კურსის გათავების შემდეგ ეპარქიალური სასწავლებლის კურს დამთავრებულნი ყოველის მხრით უზრუნველნი იქნებიანო და სხვ...

სიტყვების ნება ითხოვეს დებუტატებმა. მოგვყავს ზოგიერთების სიტყვები.

დებ. მღვ. ს. გუგულისანი. როგორც სწინს, ეპარქიის ქალების სასწავლებლის საბჭოს მოსაზრებით პირველი მიზანი ჩვენი მოსწავლე ქალების აღზრდისა ყოფილა მასწავლებლობის თანამდებობის მიღება, რჩევას ავიწყდება, რომ სასულიერო მთავრობას და სამღვდლოებას უმთავრესად ის აქვს სახეში, რომ ამ სასწავლებელში მომზადებულნი და ნასწავლნი შეიქმნენ მღვდლის კომიტი და დაეხმარონ სოფლის მოძღვართ მათ მძიმე მოვალეობის აღსრულებაში და შეძლებისა-და-გვარად შეიტანონ ოჯახში ცოტადენი მაინც განათლება. მაგრამ წარმოიდგინეთ, რომ ამ სასწავლებლის ზოგიერთი კურს დამთავრებულნი თურმე სამღვდლო კაცების ცოლად გაყოლას აღარც კი კადრულაბენ. ჩვენი სასწავლებლისათვის დღეს მე სრულებით არ მიმჩნია საჭიროდ მეშვიდე დამატებითი კლასის გახსნა და სხვა...

დებ. მღ. ა. გურსამია. მე არ ვეთანხმები მამას. გველესიანს. ძლიერ საჭიროა და სასარგებლო მეშვიდე დამატებითი კლასის გახსნა და ნუ მოვერიდებით ცოტადენ ხარჯს და დავადგინოთ, რომ გაიხსნას დამატებითი მეშვიდე კლასი.

აღმოჩნდა რომ უმეტესი ნაწილი დებუტატებისა წინააღმდეგი იყვნენ დამატებითი მეშვიდე კლასის გახსნაზედ, მაგრამ ზოგიერთები, რომელთაც შვილები ყავთ ამ სასწავლებელში ისინი გაიძახადენ რომ კარგ ექნება, რომ გაიხსნას მეშვიდე დამატებითი კლასიო.

დებ. დგ. დ. დამაშაიქ. მე ძლიერ მაკვირვებს იმერეთის ეპარქიის ქალების სასწავლებლის საბჭოს წინადადება მეშვიდე დამატებითი კლასის გახსნის შესახებ. წარსულ წელში ეს საბჭო განაცხადებდა, რომ ერთი თავისუფალი ოთახი არ მოიძიება მთელს სასწავლებელში ისე ვიწროთ ვართო. დღეს განაცხადებენ, რომ საშუალება მოგვეცით დამატებით მეშვიდე კლასი გაეხსნათო. თუ წარსულ წელში თავისუფალი ოთახი არ მოიხაზებოდა დღეს სადა არის ეს თავისუფალი ოთახი. დავთანხმდეთ, აღმოჩნდა ოთახი. საბჭო გვაიმედებს, რომ თუ მეშვიდე დამატებითი კლასი გაათავეს ჩვენმა ქალიშვილებმა გავკეთდებითო, საერო წოდების ქალების გიმნაზიებში მასწავლებლებად ჩვენ ქალიშვილებს დანიშნენ

*) ის. „მწეგმის“ № 4, 1904 წ.



და კარგ ჯამეაირებს დაუნიშნავენო. ამისთანა დაპირებით და იმედებით ჩვენში ბავშვებს მოატყუებენ ხდომე, მაგრამ დიდებს—არასოდეს და კრებას ხომ სულ არა. ნუ თუ საბჭოს ჯერეთ კიდევ არ შეუტყვია, რომ ჩვენებს მასწავლებლობის ადგილს რუსეთის მხარისკენ თუ აძლევენ თორემ აქ, ჩვენში ძლიერ იშვიათად დანიშნავენ... ამაზე მე სიტყვას არ გავაგრძელებ, რადგან ყველანი კარგად მიხვდებიან, რომ ეს იმედები საბჭოს ყურადღების ღირსნი არ არიან... საბჭო როგორც გავს სასწავლებლის საქმეებს კარგად არ უკვირდება. აგერ წინაზე სამკლასიანი ქალების სასწავლებელი ექვს-კლასიანად გადაგვკეთებინა და გვაიმედებდა, რომ სულ ცოტა ხარჯი დასჭირდებოდა. მაგრამ ბოლოს სულ სხვა მოითხოვეს.

წარსული კრების დროს სასწავლებლის საბჭომ კანონიერი მოთხოვნები სამღვდლოების კრების სრულებით უყურადღებოდ დასტოვა. აი რაშია საქმე. სამღვდლოების კრებამ მოითხოვა, რომ სასწავლებლის საბჭოს კრებისათვის წარმოედგინა წარსული წლის ხარჯის ანგარიში და მომავალი წლის ხარჯთ-აღრიცხვა. წარმოიდგინეთ, საბჭომ ამ კანონიერ თხოვნაზე სამღვდლოების კრებას უარი გამოუცხადა და ამისთან წერილობით აცნობა კრებას, რომ სამღვდლოების კრების საქმე ფულების წარმოდგენა არისო, თორემ მას უფლება არა აქვს ხარჯის ანგარიში მოგვთხოვოსო. უმაღლესად დამტკიცებულ წესდებათა ძალით სასწავლებლის საბჭოები ყველგან ანგარიშს, აძლევენ როგორც ვკითხულობთ სასულიერო ჟურნალებში, მაგრამ ქუთაისში ჩვენი ქალების სასწავლებლის საბჭო კი განთავისუფლებული ყოფილა ამ მოვალეობისაგან!!

მეშვიდე დამატებითი კლასის გახსნა ჩვენს ეხლანდელ მღვდლოებრაში მეტ ბარგად მიგვანია. საქირთა სამღვდლოებრამ სთხოვოს საბჭოს, რომ ამ სასწავლებელში მოსწავლე ქალთა აღზრდა მიდიოდეს ისე როგორც სასურველი იყო მისთვის ვისი სახელათად არსებობს იგი. ექვსი კლასის კურსი სრულებით საკმარისა ჩვენ ქალთათვის ოღონდ რიგინად იყვენ აღზრდილნი. კარგად უნდა ახსოვდეს საბჭოს, რომ ამ სასწავლებლის დანიშნულება არის—მოამზადოს შესაფერისად აღზრდილნი სამღვდლო კაცების საცოლეები და არა ქალების გიმანზის მასწავლებელნი...

დასწრე.

წერილი რედაქციის მიმართ.

დიდათ პატივცემულო მამა რედაქტორო!

გთხოვთ, „მწყემსში“ ამ მცირე შენიშვნას ადგილი დაუთმოთ.

როგორც „მწყემსის“ მკითხველებს მოეხსენებთ, ამ ორგანოში წარსული წლის მე-23 ნომრიდან დამწყობ ჩემ მიერ ნათარგმნი „ბიბლიოთეკის საუბრების“ (ან როგორც მწყემსშია: „საუბარი დაბადებიდან“) ბეჭდება. „მწყემსის“ № 23-ში ამ საუბრებს თავში უჯდა შენიშვნა, რომ იგინი რუსულიდან არიან ნათარგმნი; შემდეგ ნომრებში-კი ეს შენიშვნა აღარა ზის. ამ გარემოებას, როგორც პირადათ ლაპარაკმა დამარწმუნა, ზოგჯერ პირებში ჩემი კეთილ-სინდისიერობის შესახებ რაღაც ეპიკე გამოუწყევია. ამ გვარი ექვების ასაცილებლათ, უმორჩილესათ ვსთხოვ „მწყემსის“ პატივცემულ მკითხველებს ეს „საუბრები“ ჩემ ნაწარმოებად არ იგულონ; არამედ მარტო ჩემ ნათარგმნად, ავტორი ამ საუბრებისა სულ სხვა პირია და არა მე.

ამასთანავე, იმავე ექვების ასაცილებლათ, გთხოვთ „მწყემსის“ მკითხველებს ისიც აუწყოთ, რომ ამ წლის № 1—2-ში დაბეჭდილ მე-III საუბარის თარგმნის მეორე ნახეარი (გვ. 13—15: სიტყვებიდან: „და აი წყალთა დაიკავეს ადგილი“ და სხვა ბოლომდენი),—ჩემი არ არის. ძლიერ უხერხულათ მიმაჩნია ჩემდ მივიღო და ჩემი სახელი მოვაწერო იმას, რაც მე არ მეკუთვნის.

ს. გორგაძე.

ვა მოწმებთ, რომ „საუბრები დაბადებიდან“ რუსულიდან ნათარგმნია ბ. ს. გორგაძის მიერ, სოგორც ეს კიდევ იყო გამოცხადებული. ავტორი ამ საუბრებისა არის შესანიშნავი დიდათ განათლებული სასულიერო პირი რუსეთაგანი. ვა მოწმებთ იმასაც, რომ ზემო აღნიშნულ ადგილი ბ. ს. გორგაძის ნათარგმნი არ არის.

რედაქტორი.

ვიცე აღმირალი პავლე სტეფანეს-ქე ნახიომოვი

სწორეთ ნახევარი საუკუნე გავიდა მას აქეთ რაც ვიცეადმირალმა პავლე სტეფანეს-ქე ნახიომოვი შემუსრა და თითქმის გააქრო ძლიერი ფლოტი სულთანისა სინოპში 18 ნოემბერს 1853 წელს დილით ვიცე აღმირალის ნახიომოვის განკარგულებით დაუდგენ წინ რუსის სამამრი გემები სინოპის სიმაგრეებს და ძლიერ ფლოტს და ერთბაშად დაუშინეს ყუმბარები. შეიქმა ერთი ალიაქოთი. სინოპის ფლოტმაც, რასაკვირველია, გასცა პასუხი რუსის გემებს, მაგრამ ვერა გააწყო რა რუსეთის სევისტოპოლის ძლიერი გემების წინააღმდეგ. დილიდან საღამომდისინ სრულებით გაანადგურეს სინოპის სიმაგრე და თითქმის ყველა გემები დაიწვა ცეცხლისაგან. ოცს ნოემბერს გამოიკა მანიფესტი ომის გამოცხადებაზე, რომლის შინაარსი თითქმის ყველამ იცის. ნახიომოვი დააჯილდოვეს წმიდა გ-ს მეორე ხარისხის ორდენით.

დკმ. დ. დ-ქ.

არინან თუ არა ჰრისტიანები იაპონიაში?

ორმოცი წელიწადია სწორეთ მას აქეთ რაც იაპონიაში დაარსდა ქრისტიანობის გამავრცელებელი მისია. მთელს იაპონიაში ოთხ მილიონამდე ირიცხებიან ქრისტიანები. დღეს მართლმადიდებელ ქრისტიანთა რიცხვი ას ოცდა ცხრა ათასი სულია. თვითონ ტოკიოში მშვენიერი ტაძარი არის, რომელიც ამ ათი წლის წინად არის აშენებული, ტაძარი ქრისტეს აღდგომისა. აქ არის მღვდელთ-მთავარი ნიკოლოზი, რომელიც 1883 წელში ხელდასხმულ არის მღვდელთ-მთავრად. ორ სამ სამღვდელო პირთა გარდა მღვდლებად და მასწავლებლებლად სულ თვითონ იაპონელები არიან. სასწავლებლებში სწავლობენ სულ ათას სულთსამდისინ მოსწავლეები. წარსულ წელში მისიონერების ჯამაგირად გადაღებული იყო 26 ათას მანეთამდე. ომის გამოცხადებამდისინ ქრისტიანთა სასულიერო პირთა კრება ჰქონდათ იმის შესახებ თუ როგორ მოქცეულიყვნენ ომის გამოცხადების შემდეგ. თვითონ უ-დ სამღვდელო ნიკოლოზმა გამოაცხადა რომ ყველა იაპონელმა უნდა მიიღოს მონაწილეობა ჩხუბში, რადგან დაცვა თავისი სამშობლოსი ყოველ მოიწუნე ქვეშევრდომ-

თათვის სავალდებულოა. ფრანგების, პრუსიანების და სხვა აღმსარებელთა ქრისტიანების უმეტესი რიცხვია. დიდი შიში ქონდათ ქრისტიანებს ომიანობისა, მაგრამ იგინი დაამშვიდა იაპონიის ხელმწიფემ და აღუთქვა, რომ იმათ არავინ შეურაცხყოფს და ხელს არ ახებენ.

დკმ. დ. დ-ქ.

შუხნალ-გაზეთთებრიდან.

ერთმა ცნობილმა ინგლისელმა დიპლომატმა თურნალ ნაიონალ რევიუ-ს უკანასკნელ წიგნში რუსეთ-იაპონიის ომზე წერილი დაბეჭდა. „ინგოტუს“-ი (დიპლომატის პსევდონიმი) სწერს: იაპონიამ აშკარად დაამტკიცა, რომ რუსეთის ძალას შორეულ-აღმოსავლეთში მეტად აზვიადებენ. იაპონიამ ეხლავე გაუტეხა სახელი დეე რუსეთს. «ამომავალ მზის ქვეყანამ» ჩინეთი განაწილებას გადაარჩინა და ვერაბა საშინელ ომსა, რადგან ჩინეთის განაწილებას უსათუოდ დიდი საერთაშორისო ომი და სისხლის ღვრა მოჰყვებოდა. რუსეთი სულ იმის ცნაში იყო, რომ ჩინეთი ხელში ჩაეგდო და ვერაბის წინააღმდეგ ამხედრებინა, რუსები ეხლა „ყვითელ საფრთხევ“ ჰყვირიან და ინგლისს უჩივიან, ყვითელი მოდგმა ვერაბის წინააღმდეგ მოჰყავსო. 1901 წელს რუსეთი თითონ ურჩევდა იაპონიას, კავშირი შეეკრათ ინგლისის წინააღმდეგოა. ახლა-კი რუსული პრესა ინგლისს ვერაბისა და თეთრის მოდგმის მოლაღატედა სთვლის: ყვითელ მოდგმის სასულმწიფოსთან, იაპონიასთან, კავშირი შეჰკრა და თეთრის მოდგმის ერთან, რუსეთთან საომრად წააქეზოა. ამის პასუხს ფრანგ გენერალ ფრენს წერილი იძლევა გენერალი სწერს: „ინგლისი სრულიად სამართლიანად დასცინის იმათ, ვინც უსაყვედურებენ, იაპონიასთან კავშირი რად შეჰკრაო. პირველად რუსეთმა და საფრანგეთმა მონიდომეს ჩინეთთან დაახლოვება და საკავშირო ხელშეკრულობის დადება, მაგრამ ვერ მოახერხესო.

გენერალი ფრეი 1900 წელს ჩინეთის არეულობის დამშვიდებაში იღებდა მონაწილეობას და აღმოსავლეთე აზის საქმე კარგად აქვს შესწავლილი.



გენერალს „ყვითელი საფრთხე“ ლაპარაკი და ყვირილი სიცილიად არ ჰყოფნის. ნამდვილად არაერთიანი ყვითელი საფრთხე არ არსებობს. აღმოსავლეთის სახელმწიფოები მხოლოდ მაშინ შეიქნებიან საშიშნი ევროპისათვის, როცა სამხედრო იარაღის გარდა, ევროპის დიდებსაც კარგათ შეითვისებენ. დიდად სტდება, ვინც ჰფიქრობს, ვითომ აღმოსავლეთი რომ შეიარაღდეს, მაშინვე დაამარცხებს ევროპასაო. ევროპის ძალა იარაღი კი არა, გონებრივი და ეკონომიური განვითარებაა. იაპონიამ ჯერ კიდევ 40 წლის წინად შეიგნო ესა და გარეგან კულტურის შეთვისების გარდა, თავის გონებისა და სულის განვითარებასაც დიდი ყურადღება მიაქცია და აკი თავისი ვაიკანა. რა ჯილდო მიიღო იაპონიამ თავის შესანიშნავ მეცადინეობისათვის? აი რა ჯილდო მიიღო. 1900 წელს პეკინში ერთმა ევროპელმა ჯარის კაცმა სთქვა: ჩინეთში 1900 წელს ვალაშქრების დროს მოკავშირეებში მხოლოდ სამი ნამდვილად განათლებული ხალხი ერიო: ინგლისი, იაპონია და ამერიკა (შეერთებული შტატები)... დანარჩენი ერები კი ველურები გამოდგნენ!

ინგლისელმა და ამერიკელმა ჯარისკაცებმა 1900 წელს როგვე გაიგეს, ვინ უფრო საშიშია, იაპონიის ერი, თუ ზოგიერთი ევროპიელი ერი. ევროპაში უარესი „ჰუნები“ იპოვებიან, ვიდრე აღმოსავლეთ აზიაში“. („პ. ვ.“).

სამხედრო მოქმედება. დღეებში გვაცნობა, რომ 26 თებერვალს პორტ-არტურთან ბრძოლის დროს რუსის ნაღმიანმა გემმა „ვლასტინი“-მ იაპონელების ნაღმიან გემს ნაღმი ესროლა და ჩასძირაო. ამის თაობაზე რუსული ველომოსტი“-ს სამხედრო თანამშრომელი ბ-ნი ვ. შ. შენიშნავს: „საზღვაო ბრძოლის ისტორიაში ეს პირველი მაგალითია, რომ ნაღმიანი გემი ნაღმს დაელუბოს. უახლოესი ნაღმი ჩვეულებრივ წყალქვეშ 10-11 ფუტის სიღრმეზე მიდის, იაპონიის ნაღმიანი გემები კი წყალში მხოლოდ 5-8¹/₂ ფუტის სიღრმეზე დგანან. იქნება ჩვენმა მეზღვაურებმა ნაღმიანი გემის მაგივრად რომლისამე დიდის გემის მენაღმე ნავი დალუპეს? ყოველ დიდ მებრძოლ გემს ერთი ან ორი მენაღმე ნავი აქვს 60 ფუტის სიგრძისა. ლამე ამ ნაევებს ხან-და-ხან ზღვაში ჩაწუმებენ ხოლმე საღარაუოდ. იქნება ეს მენაღმე ნავი წყალში 4-5 ფუტით უფრო ღრმად ჩაწუმო და ჩვენმა ნაღმა იმიტომ ააფეთქა? ან იქნება

„ვლასტინი“ ნაღმი რაიმე მიზეზით ისე ღრმად არ წავიდა, როგორც ჩვეულებრივ მიდის ხოლმე? ამაზე არა ვიცით-რა სწორედ“.

აქვე უნდა გავისვენოთ, რომ იაპონიის მთავრობამაც, როგორც დღეებში გვაცნობა, უარ-ჰყოფს ეს ცნობა, ვითომ რუსებს 26 თებერვალს იაპონიის ნაღმიანი გემი დაელუბათ.

26 თებერვალს პორტ-არტურთან მომხდარ ბრძოლის თაობაზე იგივე ბ-ნი ვ. შ. სწერს: „სტერეუმი“-ს დალუპვა ცხადად ამტკიცებს, რომ ნაღმიანი გემებს გაშლილ ზღვაში დიდ გემებთან ბრძოლა სულ არ შეუძლიანთ. თუმცა ჩვენი 6 ნაღმიანი გემი ბნელაში ღამის 4 საათიდან დილის 8 საათამდე იბრძოდა, მანც ვერც ერთმა ვერა დააკლო-რა იაპონიის კრეისერებს, ერთი ნაღმიც კი ვერ ესროლეს მარჯვედ. ნაღმიან გემის საქმე ესლაც ისაა, რაც წინადა იყო: განრეზბულ გემებს უტევს დაეცეს და დაზიანოს. გაშლილ ზღვაში ბრძოლა კი წინანდებურად დღესაც ჯავშნიან გემებისა და კრეისერების საქმეა“.

ბ-ნი ვ. შ.-ს აზრით, 26 თებერვალს აღმირალი ტოგო ყოველნაირად ეცადა, აღმირალი მაკაროვი ზღვაში გაეტყუებინა, მაგრამ ვერას ვახდა, რუსის აღმირალი ვერც შეცდინა. აღმ. მაკაროვი ზღვაში არ გავიდა და იაპონელმა აღმირალმა გააყარებულმა რუსის ესკადრას შიდა რეისს დაუშინა ყუმბარა. რომ თავისი გემები არ დაეზიანებინა, ტოგომ ასეთი მოსწრებელი, მარჯვე ხერხი იხმარა: 6 დიდი გემი დასავლეთისაკენ გაბრუნდა, ლაოტეშნის კონცხს („მის“-ს) მოეფარა და იქიდან 12 დიდი ნაღმიანი ყუმბარა დაუშინა რუსის გემებს. სხვა დიდი გემები გოლუბინაია ბუქტის მხარეს დადგნენ და იქიდან ციხესა და ქალაქს ესროდნენ ყუმბარებს. ამავე დროს იაპონიის კრეისერები პორტ-არტურის შესავალს დარაჯობდნენ, რომ იქიდან უცხად რუსის ესკადრა არ გამოსულიყო. ტოგოს ჯავშნიანი გემები მიუგეს ამოეფარნენ და პორტ-არტურის რეისსა და ციხეს ყუმბარები დაუშინეს. იაპონელებს რომ ზშირად ესროლათ ყუმბარა, მაშინ რუსის არტილერიისტები მარჯვედ დაუმიზნებდნენ დამალულ გემებს და ადვილად დაზიანებდნენ, მაგრამ იაპონელები განგებ მძიმე-მძიმედ ისროდნენ და რამწამს ზარბაზნს დასცლიდნენ, გემს მაშინვე სხვა ადგილას აყენებდნენ. იაპონელებმა 4¹/₄ საათში, აღმ. მაკაროვის



ანგარიშით, სულ 154 ყუმბარა გამოისროლეს, როდესაც ამ ხნის განმავლობაში თამამად შეეძლოთ 1800 ყუმბარა გამოესროლათ: ეტყობა, იაპონელები ნახევარ საათში მარტო თითო ყუმბარას უშვებდნენ. სხანს, ტოვო ცალკე ყუმბარებს უფროთხილდებოდა, ცალკე იმის ცდაში იყო, რომ რუსებს ზარბაზანი ვერ დაემიზნებინათ იაპონიის გემებისათვის.

«რუსეთის ველდომოსტი»-ს საშუალოდ თანამშრომელიც ჰეიქრობს, რომ 26 თებერვალს პორტ-არტურთან ბრძოლაში იაპონიის ახალი კრესიერები «ნისინი» და «კასუგა»-ც იღებდნენ მონაწილეობასა:

ვაზ: „რუსს“-ს პორტ-არტურიდან დღემით ატყობინებენ: 26 თებერვალს იაპონელებმა მტკად მელდარი იერიში მოიტანეს პორტ-არტურზე, დღის 9 საათიდან ნაშუადღევს 1 სათამდე ესროდნენ ყუმბარებს, იაპონიის გემები სამ რაზმად იდგნენ. ყოველ რაზმს ნაღმიანი გემებიც ჰყვანდა:

ტოკიო («რეიტ. საავ.») იმპერატორმა მემკვიდრის თანხლებით გახსნა სესია პარლამენტისა და წარმოსთქვა სეფე-სიტყვა, რომელშიაც, სხვათა შორის, განაცხადა: სახელმწიფოებთან დამაკიდებულება თან და თან გულწრფელი ხდება. მთავრობას მოლაპარაკება ჰქონდა რუსეთთან, მაგრამ რუსეთი გულწრფელად არ იქცეოდა, ამიტომ იძულებული ვეხდით, საქმე იარაღით გადაგვეწყვიტა. ესნა არ შეგვიძლიან შეჩერება, სანამ ამ ომის მიზანი განხორციელებული არ იქმნება“.

ვლადივოსტოკი. ხმა დადის, რომ იაპონიას კორეაში გადმოყვანილი ჰყავს 70,000-მდე ჯარისკაცი. ამათან 30,000 კაცი სდგას ჩემულპოსა და სეულში, 20,000 ზხინიანსა და ანჩუში, დანარჩენნი სხვა-და-სხვა ადგილას, მცირეოდენი გენჯანში. სეულიდან ზხინიანსა და ანჩუში გადააქეთ სურსათსაკვები და ჯარისათვის საჭირო იარაღი. ცნობაა, იაპონიიდან, რომ 70000 კაცი კიდევ არის გასავაზავანდ. საღ მიიყვანენ, არავინ იცის. ზხინიანში ქვეითა ჯარის გარდა კავალერიაც ჰყავთ და არტილერიაც, უსურის რკინის გზაზედ მცხოვრები ჩინელები ჰყიდიან თავის ქონებას და მანჯურიაში მიდიან.

იაპონელების ჰატოისსება. «ნოვოე ვრემია»-ში ბანი ლუგოვოი სწერს: „იაპონიამ ისე სწრაფად შეითვისა ვერობის ცივილიზაცია, რომ მთელი ევროპა გააკვირვა. ევროპელებმა გატაცებით ქება

დაუწყეს იაპონელებს. აქებდნენ იაპონელების ნიქსა, ზრდილობას, წერა-კითხვის ცოდნას, ცნობის მოყვარებას და ყველაზე მეტად-კი იმით შესანიშნავ პატიოსნებას. ტოკიოში რუსეთის ელჩად ნამყოფმა განსვენებულმა ბ-ნმა ხიტროვომ იაპონიიდან დაბრუნების შემდეგ მიამბო: „ტოკიოდან ჯენეროქში“

*) ხშირად შორს ქალაქ-გარედ სააგარაკო ადგილებსაკენ დავდიოდი დასასერინოდ. მივარდნილი ადგილებში ბევრჯელ დავრჩენილვარ ხოლმე მარტოდ-მარტო ლონიერ რიქშასთან, მაგრამ ერთხელაც ფიქრად არ მომსვლია და ჩემს გულში შიშს არ გაუვლია, ვაი თუ ლონიერი რიქშა დამეცეს და გამძარცვოსო. მაგრამ ეს კიდევ არაფერი. ყველაზე ძლიერ შემდეგი ჩვეულება მაოცებდა და მაკვირვებდა: სხვა-და-სხვა ადგილას გზაში სტოლები იდგან და ზედ სტოლთა გადახურულ ლამბაქებზე მოხარული ბრინჯი და სხვა საქმელები ელაგა. სადილობის დროს რიქშა დადგებოდა ხოლმე სადმე, აწაირ სტოლთან მივიდოდა, აარჩევდა თავის გემოზე, რაც უნდოდა, ხელად შენაყრდებოდა, მერე ჯიბიდან ფულს ამოიღებდა, რამდენიც ერგებოდა, სტოლზე ლამბაქზე დაწყობდა, ყველაფერს ისევ ტილოს გადააფარებდა, მობრუნდებოდა და ისევ თავის ეტლს მიარბენინებდა.

- მაგ სტოლის პატრონი საღაა?
- იქმნება აქ ახლო სადმე მინდორში მუშობდეს, იქმნება შინაც იყოს.
- რატომ თითონ არა დგას სტოლთან და თითონვე არა ჰყიდის?
- რისთვის? იქ რომ დადგეს და დრო დაკარგოს, მაშინ სადილი უფრო ძვირად დაგვიჯდება.
- ვინმემ რომ ფული არ გადაიხადოს, ან სხვისი დადებული ფული მოიპაროს?

რიქშა ილიმება, მაგრამ თანა სწყინს: „განა შეიძლება, აგეთი უსინიდილობა ჩაიღინოს კაცმა, განა ეგეთი უსინიდილობა კაცი იქმნება სადმეო“.

„ნოვოე ვრემია“-ს დღემით ატყობინებენ ლონდონიდან: იაპონიის მთავარ-შტაბისა და იმპერატორის უმთავრეს ბნის ხმელეთზე (ალბად, კორეაში) გადაიტანენ.

„დაილი ნიუს“-ი იუწყება, გენერალი კოდამა მთავარ-შტაბით ტოკიოდან ბრძოლის ველზე წავა

*) ჯენეროქში—იაპონური ხელით სატარებელი ეტლია. ეტლის დამტარებელს რიქშას ეძახიან.



და ჯარის მთავარ-სარდლობას შეუდგებაო. ამობენ, იაზონის ჯარი აბრილის დამდევს გაილაშქრებს ზეითენაო. („მ. ვ.“).

გენერალ სახაროვის და „ფიგარო“-ს თანამშრომლის საუბრის თაობაზე „ტაიმს“-მა ვრცელი მოწინავე წერილი დასწერა. ვაზეთი სწერს: იქნება რუსეთმა, თუ საქირო იქნება, დიდის ვაი-ვაგლახით 400 ათასი ჯარის-კაცი ჩაიყვანოს ბრძოლის ველზე, მაგრამ ეს საკმაო არ იქნება იაზონის ჯარის შესამუსრველად. საქმე ისაა, რომ იაზონელებს 200 ათასი ჯარის-კაცი კი არა ჰყავთ, როგორც გენერალი სახაროვი ჰფიქრობს, 500 ათასი კაცი ჰყავთ. ეს ნამდვილი უტყუარი ცნობაა. ახლანდელ ომისათვის იაზონია სრული ექვსი წელიწადი ბეჯითად ემზადებოდა, ყველაფრის თადარიგი წინდაწინვე დაიჭირა, ყველაფერი რიგზე ასწონ-დასწონა და დაწერილებით მოიფიქრა. თუმცა რუსეთს დიდ-ძალი უღვევლი ხალხი და ურიცხვი ჯარი ჰყავს, მაგრამ ბრძოლის ველზე მანაც იაზონიას ომის გათავებამდე ყოველთვის მეტი ჯარი ეყოლება, ვიდრე რუსეთს. ციმბირის ერთ-ლიანდაგიან რკინის გზას არას დროს არ შეუძლიან დიდძალი ჯარის გადაყვანა და სურსათის ჩაწოდვა. ზღვის ბატონი და პატრონი კი ყოველთვის იაზონია იქნება („მ. ვ.“).

„რუსეთის ვედომოსტი“-ს დეპეშით ატყობინებენ ბერლინიდან: აქაურ სამხედრო წრეებს იმედი აქვთ, ბრძოლის ველზე მოკლე ხანში დიდი ამბები მოხდება, რადგან კორეისა და მანჯურიის ნაპირებზე ყინული მომეტებულ ნაწილად გალღვაო. იაზონელებს აბრალებენ, აკრძალულ ყუმბარებს ხმარობენო. მაგრამ იაზონელები ამტკიცებენ, პორტ-არტურთან ბრძოლის დროს უმეტეს ნაწილად რუსის გემ „მანჯურიას“ დაქურთვულ ყუმბარებს ვნახობდითო. ეს ყუმბარები „მანჯურიას“ პორტ-არტურში მიჰქონდა ბატარეებისათვისაო. გუშინდელს აქეთ ბერლინში დაუჯერებელი ხმა დადის, ვითომ რუსის ფლოტის პორტ-არტურიდან გასვლა მოეხერხებინოს. სერიოზულ გაზეთებს, მაგალითად ტეტელიშე რუნდ-შუა“-ს არა სჯერა ეს ამბავი, თუმცა კი არც შეუძლებელია მოაჩინათ.

„დელიო ტელეგრაფ“-ს დეპეშით ატყობინებენ ნიუ-იორკიდან: ეკუთვამირალმა მაკაროვმა ბრძანება გამოსცა და განაცხადა, ქვა-ნახშირის გამოზოგვა საქირო არააო. დიდ დიდ მძიმე ზარბაზნების ყუმ-

ბარებს კი უსათუოდ უნდა გაუფრთხილდეთ, ამ ყუმბარებს ტყუილ-უბრალოდ ნურავინ გაჰფლანგავსო.

ინგლისელ აღმირალ ფრიმენტს ჟურნალისტებთან ესლანდელ ომზე უსაუბრნია და უთქვამს: იაზონის ფლოტის ორგანიზაცია, ნაღმიან გემების ტყვეობის მოქმედება, საზოგადოდ გემების განაწილება საზღვაო ტაქტიკის უკანასკნელი სიტყვააო. ფრიმენტს აღმირალ მაკაროვზეც თანაგრძობით ულაპარაკნია. („მ. ვ.“).

აშონიას სამხედრო ჯაროსტატეა. „რუსეთის ინვალიდ“-ი სწერს: იაზონის ჯარს სამხედრო ჰაეროსტატეებიც (ჰაერში მფრინავი ბურთები) აქვს, მაგრამ, სამწუხაროდ, სწორედ ცნობა არა გვაქვს ამ ჰაეროსტატებზე. იაზონის ფლოტი ჯერ კიდევ 1894 წელს ჩინეთთან ომის დროს ხმარობდა ჰაეროსტატებს, მერე 1900 წელსაც, ჩინეთის არეულობის დროსაც ჰქონდათ იაზონელებს ჰაეროსტატები. ამობენ, ამ ჰაეროსტატებმა დიდი სარგებლობა მოუტანეს მოკავშირეთა ჯარსაო, ამას გარდა იაზონელები ყოველთვის დიდს ყურადღებას აქცევენ ჰაეროსტატებს და ყოველთვის იმათ გაუმჯობესობას სცილობდნენ. „ამომაველ მზის ქვეყნის“ შვილები, თუ არა ცვდებიან, ყველაზე წინ მიხვდნენ, რომ მრგვალ ჰაეროსტატს გრძელი სჯობია. იაზონელები ესლა ეგრედ წოდებულ გველის მსგავს ჰაეროსტატებს ხმარობენ, ფრანგ აერონავთ ლუი გოდარის სისტემისას. იაზონელები საზოგადოდ ბეჯით ყურადღებას აქცევენ სამხედრო ტენიკის განვითარებას, ამიტომ გვეონია, რომ ესლა საკმაოდ კარგი ჰაეროსტატები ექნებათ და მტრის ჯარის დაზვერის დროს რიგზე გამოიყენებენ.

„რუსეთის ვედომოსტი“-ში ერთის არტილერიისტ აფიცერის უკრძო წერილია დაბეჭდილი პორტ-არტურთან 27 იანვარს ბრძოლის თაობაზე. აფიცერი სწერს: „ჩვენი ბატარეია ზღვის ნაპირას დგას, 40 ფუტის სიმაღლეზე. ჩვენს ქვემოთ აღმირალის ჯავშნიანი გემი „პერსევტი“ დგას. ბრახ!—გემის გვერდზე ყუმბარა დაცა. ზღვიდან წყლის სვეტი ამოვარდა და გემის პალუბა წყლით აავსო. მეზღაურები აირ-დაირიფენ. —ბრახ!—და ჩვენ გვერდზეც დაცა ერთი ყუმბარა. ამ სამხედრო სალამს უტებ ჩვენმა 10 სანაპირო ბატარეიამ და 12 გემმაც გასცეს პასუხი. საშინელი აუწყრელი ამბავი დაიწყო. 150-ზე მეტი დიდი ზარბაზანი ისროლა. ყველგან ბოლი;

ორთქლი და ბული იდგა, ყველგან საზარელი ყვირილი ისმოდა. ბრძოლის ველი ნამდვილ ჯოჯოხეთად იქცა. უცებ ყილაკამ საზარლად დაიკვილა, — ერის ჯარის-კაცი ყუმბარის ნაგლეჯმა თუმცე ცხვირი მოაჭლიჯა; სისხლი წურწურით სლიოდა... საინტარები მოვიდნენ, საკაცე მოიტანეს... გიგრძენ, ვილაკამ მზარზე ხელი წამავლო. მივიხედე—გაფითრებული ჯარის-კაცი დგას. ეტყობა, რიდაცის თქმა უნდა, მაგრამ ვეღარ მოუხერხებია. როგორც იყო, თითი ძირს გაიშვირა. ხელად მივხდი, რის თქმაც უნდალა, ძირს, გორას ქვემოლ პატარა, კოხტა მსწრაფლ-მსროლეულ ზარბაზნების ბატარეია იდგა. გავიქციე და ვნახე, რომ იქაც ნამდვილი ჯოჯოხეთის ცეცხლი ტრიალებდა. ყუმბარები ისე სკედებოდა, თითქო ბენდიერ დღეს შუშხუნებიაო. ყუმბარის ნაგლეჯებს საზარელი ზუზუნი და ზუილი გაჰქონდათ. საშინელი ბოლი და ბული იდგა; მიწას სულ ბღვირი ასლიოდა. ისეც ჩემ ბატარაზე გავქანდი. იქაც მეტად სამწუხარო სანახავი დამიხვდა. იქაც ერთი ყუმბარა დაცემულიყო ზარბაზნებსა და ჯარისკაცებს შუა. ერთი ჯარის-კაცი საცოდავად წაესს, წელები ვარედ გამოსცვივნია, მეორეს თავი დასწეჩქია, მესამეს ყუმბარის ნატეხები მოაჭვედრია თავში და ორ ამხანაგს მიჰკავთ საღდაც. ერთი ფოლადის ზარბაზნი ისე დამსხვრეულა, თითქო ნაფოტი ან ჩალა ყოფილიყოს... სამწუხარო, გულ-მოსაკლავი სურათია. ყველგან სისხლსა ვხედავ. მოკლულები წავადებინე და მე თვითონ-კი ისეც ბატარეიაზე გავქანდი. იქ წინანდებურად ნამდვილი ჯოჯოხეთი იყო... მაგრამ გაუთვებელი არა ყოფილა რა. ეს ჯოჯოხეთიც გათავდა. იაზონელები წავიდნენ. ბოლი გაიფანტა, მზემ ისეც გაანათა ბრძოლის ველი, მაგრამ ნეტეც რას დაჰხაროდა!..

ეს! ჩვენი დაზიანებული გემები «რეტვიზანი», „ცესარევიჩი“ და კრესიერი „პალადა“ რომ გენახათ, როცა შიდა რეიდზე მიათრევდნენ, ცოლდით დაიწვოლიათ! ყველანი ტიროდნენ: მესლავურები, ქალები, ჯარის-კაცები, აფიცრები“...

რუსეთის პრემსა რუსეთ-იაპონიის ომის შესახებ

«მოსკ. ველომ.»-ი სიაშოვნებით აღნიშნავს იმ გარემოებას, რომ პატრიოტულ შემოწირულობაში ფინლიანდაც იღებს მონაწილეობასაო. საზოგადოათაო, ამბობს გაზეთი, რუსეთის იმპერიის სხვა-და-

სხვა ერები რუსებთან ერთად გრძნობენ, რომ იაპონია საერთო მტერია, რომლის მოგერებას მთელის იმპერიის ინტერესი მოითხოვსო. სხვა გაზეთები, რასაკირველია, ეთანხმებიან „მოსკოვ. ველომ.“-ის ამ აზრს, მაგრამ თანაც დასძენენ, რომ გერმანიის გაზეთი მხოლოდ ეხლა ლაპარაკობს საერთო ინტერესებზე, ხოლო მშვიდობიანობის დროს სრულიად სხვა აზრისა იყო იმპერიის არა რუსთა შესახებ, განსაკუთრებით ფინლიანდიელებისა, რომლებს მას არაფერი არა სწამდა. ეხლა, როგორცა ვსთქვით, „მოსკ. ველომ.“ საქიროდ სთვლის რუსთა და არა რუსთა ერთობას და ამბობს:

ძალა ერთობაშია. ეს ქვეშაირტება ამ ჟამად სწამთ არა მარტო რუსთა, არამედ იმპერიის არა რუსთაც. მაგრამ, სამწუხარო ის არის, რომ ერთობის ძალა იმათაც სწამთ, ვინც ფარულად ან აშკარად მტრობს რუსეთს. ეს მტრები ეხლა სინარულით უწინასწარმეტყველებენ რუსეთს დამხობას „კულტურულ და პროგრესულ ძალების შეერთებულ იერიშისაგან“.

თუ ეს ასეა, თუ მართლა მოსალოდნელია, რომ იაპონიის ზურგს უკან სხვა სახელმწიფოებიც დგანან და ჩვენ წინააღმდეგ ბრძოლას დაიწყებენ, მაშინ მით უმეტრო ძვირფასია და დიდ-მნიშვნელოვანი ის ფაქტი, რომ რუსებთან ერთად იმპერიის არა-რუსნიც გამსქველულნი არიან ერთის გრძნობით—მონაწილეობა მიიღონ მსხვერპლსა და ბრძოლაში.

განსაკუთრებით სასინარულიოდ და სასიაშოვნოდ მიგვიჩნია, რომ ამ დიდ ისტორიულ მომენტში ფინლიანდიელები სიტყვიათაც და საქმიათაც დახმარებასა და თანაგრძნობას გვიცხადებენ. ჩვენ ვამბობთ, რასაკირველია, ფინლიანდიის ერის იმ გონიერ ნაწილის შესახებ, რომლის წარმომადგენელი ფინლიანდიის სენატიცა, ფინლიანდიაში, —როგორც სხვა ბევრად თუ ცოტად მოზრდილ ოჯახში, —მახინჯებიც არიან. ასეთ ზნეობრივ მახინჯებად ჩვენ მიგვიჩნია ის პარტია, რომელსაც სახელად უწოდებენ „პასსიფურ წინააღმდეგობის“ პარტიად. ეს პარტია სულ რუსების მტრებისაგან შესდგება, რომელთაც რუსეთი ჭირივით ევაგრებათ; თვითმპყრობელობა-კი ეუზიზღებათ. ეს ვაჰებატონები იღუმალოდ და აშკარადაც თანაუგრძნობენ იაპონიას, სინარულით ეგებებიან იაპონელთა ვითომდა გამარჯვებას.

ამ პარტიას სტოკჰოლმში თავისი გაზეთები აქვს, რომელნიც ამტკიცებენ: რუსეთის იმპერიის დამხობის დღე მოახლოვდა; თვითმპყრობელობის მოსპობისა და კონსტიტუციის მომხრეთა გამარჯვების დღე დადგაო; ყველა განაპირა ქვეყნების განთავისუფლების ჟამმა დაჰკრაო და სხვა. ყველაფერი ეს, ხსენებულ გაზეთების სიტყვით, იაპონიასთან

ომს მოჰყვება, რადგან რუსეთის გამარჯვება შეუძლებელიაო.

ასე სწორენ და ლაღადებენ რევოლიუციონერები, ხოლო შეგნებული ფინლიანდიელები თავის სენატის პირით ჩვენ ერთობასა და თანაგრძობას გვიცხადებენ...



მისი იმპერატორებთა უდიდებულესობა იმპერატორა ნიკოლაჲს შერუე



იანონიას იმპერატორა მუნსუკატო.

ახალი ამბები და შენიშვნები.

* * ქუთაისის გუბერნიის თავდა-აზნაურთა წინამძღოლის თანამდებობაზე, თავდა-აზნაურთა კრებამ კანდიდატებად ამოარჩია თავად სიმონ დავითის ძე წერეთელი და თავადი ნიჟარაძე. როგორც ეს ლა შევიტყვეთ, ქუთაისის გუბერნიის თავდა-აზნაურთა წინამძღოლად უმაღლესმა მთავრობამ დამიტკიცა შორაბნის მაზრის თავდა-აზნაურთა წინამძღოლი თავ. სიმონ დავ. წერეთელი. (ს. ვ. ფ.)

* * ტფილისის გუბერნატორს შინაგან საქმეთა მინისტრის მოწერილობა მოუვიდა. მინისტრი სწერს გუბერნატორს, იხმაროს ყოველი ღონისძიება იმ ხარჯების შესამცირებლად, რომელიც უნდება სამინისტროს მოხელეთა სამსახურის გამო მგზავრობას (კანადიროგებს) და საზოგადოდ, ძლიერ იყარა-თოს სამგზავრო თანხის დახარჯვის დროს, რადგან დამატებითი კრედიტი ამ წელს აღარ მიეცემა. მოწერილობაში აღნიშნულია მაგალითი 1902 წ., როდესაც მოხელეთა სამგზავროდ გადადებულ თანხის ზევით სამინისტროს სპეციალურ წყაროდან ამ საქმისათვის უსესხნია 311,000 მანეთი, ხოლო 1903 წელს უფრო მეტი. დასასრულ მინისტრი შემდეგ ზომების მიღებას ურჩევს გუბერნატორს: 1. შეამციროს სასამართლოებში სხვა-და-სხვა საქმის გამო პოლიციის მოხელეთა მოწვევებად გაწვევა; 2. სამგზავროდ ისეთი მოხელენი გაიგზავნონ, რომელთაც ჯამაგირთან ერთად სამგზავრო ფულიც ეძლევათ; ამასთან მოხელე რამდენსავე საქმეზე ერთად უნდა გაიგზავნონ; 3. შეზღუდულ იქნეს აგრეთვე სამსახურის გამო ექიმების გზავნა სხვა-და-სხვა ადგილებში. 4. ამგვარად შენახული ფული შესაძლებელი იქნება მოხმარდეს მოხელეთა სვანგებო მოგზაურობას.

* * ტფილისის გუბერნატორმა გაუგზავნა ტფილისის გუბერნიის თავდა-აზნაურთა წინამძღოლს სია და თხოვნები იმ თავდა-აზნაურთა, რომელნიც შვილების მიღებას სთხოვენ გუბერნატორს კავკასიისა და სხვა საკადეტო კორპუსებში. გუბერნატორმა წინადადება მისცა წინამძღოლს, თავდა-აზნაურთა თხოვნები ერთად განვიხილოთ, რადგან მე მათი ქონებრივი მდგომარეობა არ ვიცოი.

* * აგრონომი ტიმოფეევი გაიგზავნა ქუთაისის გუბერნიისა და სოხუმის ოლქში სიმინდის ჰებელთან ბრძოლის საქმის მოსაწყობად.

* * ქუთაისის გუბერნიაში ბოქაულად ნამყოფი ივლიანე ქეთარაძე პასუხის გებმა იყო მიცემული საზოგადო ფულის გფანტვისათვის. ტფილისის სასამართლო პალატამ დამნაშავედ იცნო ქეთარაძე და გადაუწყვიტა ზოგიერთ უფლებების ჩამორთმევა და პატიმართა გამასწორებელ რაზმში 1 წლით გაგზავნა. ქეთარაძემ პალატის გადაწყვეტილება გაასაჩივრა სენატში. პალატას ამ დღეებში ცნობ, მოუვიდა სენატისაგან, რომ ქეთარაძეს საიზიარი უყურადღებოდ იქნა დატოვებულიო.

* * სასულიერო უწყებას გადაუწყვეტია, შეიმუშაოს ახალი წესი იმის შესახებ, თუ როგორ უნდა დევნოს თვალყური ყველა უწყების დაბად და პირველ დაწყებით სკოლებში სამღვთო სჯულისა, საეკლესიო სლავიანურ ენისა და სლავიანურ საეკლესიო გალობის სწავლებას. საქართველოს ექსარქოსის განკარგულებით, სამრევლო-საეკლესიო ოლქის ზედამხედველმა 11 მარტს ტფილისის ქალაქის გამგეობას სთხოვა, გაუგზავნოს შემდეგი ცნობები: 1. რამდენი სასწავლებელია ტფილისში, რომელთაც ქალაქი თავის ხარჯით ინახავს, რამდენი მასწავლებელია ამ სკოლებში სამღვთო სჯულისა და გალობისა, რომელი მათგანი რომელ სკოლაში ასწავლის და რამდენს იღებს თითოეული გასამრჯელოს; 2. ვინ და როგორის წესით ირჩევს ქალაქის სკოლებისათვის სამღვთო სჯულისა, სლავიანურ საეკლესიო ენისა და გალობის მასწავლებლებს და ვინ ამტკიცებს იმათ ამ თანამდებობაზე და რა საფუძველია ამის შესახებ ნაჩვენები კანონში; 3. არის თუ არა ქალაქის სასწავლებელთა გამგე კომისიაში სახალხო განათლების სამინისტროს წარმომადგენელი; 4. რომელი კანონის ძალით არ არის მიწვეული ამავე კომისიაში წარმომადგენელი სასულიერო უწყებისა და თუ ოდესმე ამ უწყებას აღუძრავს საკითხი იმის შესახებ, რომ იმისი წარმომადგენელი მიეწვიეთ კომისიაში, რითი გათავდა ეს საქმეო.



სწავლა და მეცნიერება ქრისტიანობაში საინჟინერო-ტექნიკური და კეთილ- მხეობაზე.

საზუბარი დაბადებიდან.

VII.

ოჯახის დასრულება.

წიგნი „შექმენათა“, თავი ბ.

(შემდეგ*)

ადამიანი მარტოხელ ცხოვრებისთვის არაა გაჩენილი; მისი ბუნების მიხედვით ის საზოგადოებრივი არსებაა. თვით მის არსებაში ჩანერგულია თავის მზგავისადმი ლტოლვილუბათა დასაწყისი, — იმ ლტოლვილუბათა, რომელნიც, წესიერათ განვითარებულნი და დიკმაყოფილებულნი, ადამიანის საბაჟო არსებობის უწყშინდეს და უუსრულეს მზიარულუბათა წყაროს უნდა წარმოადგენდენ. ამას გარდა, მისი სულის ძალითა და ნიჭითათვის დადებულია ის გარდელული და სამუდამოთ უცვლელი კანონი, რომ იგინი მუდამ ყამ უნდა ვითარდებოდენ და უმჯობესდებოდენ, თუ არ სურსთ საბოლოოთ გაველურდენ, დასუსტდენ და სრულიად დაეცენ; მაგრამ ეს შესაძლებელია მხოლოდ მაშინ, როცა ადამიანი საზოგადოებრივი ცხოვრებით ცხოვრობს. მარტოხელად გაზრდილს და მარტოდ მცხოვრებს კაცს შეხედულუბანი ძლიერ უვიწროვდებიან, ისე რომ მის თითქმის სრულიად ეკარგვის შეძლება თანდაყოლილი ნიჭი და ძალები საქმეში გამოიყენოს. ოჯახის დაარსებით ღმერთმა საფუძველი დაუდგა ადამიანთა საზოგადოებას.

ოჯახში, — ამ სასიხარულო და საკეთილო წრეში, იფურჩქნება, მაგრდება და ვითარდება ჩვეილი და ღვთისაგან მოკემულ ძალებს პირველად უწყებს ვარჯიშობას. მას მუდამ თავს დასტრიალებს დედის

მზრუნველი თვალი და აბრახილებს ყოველ გვარსაში მოძრაობისა და მანენ ნაბიჯისაგან; სიყვარული, რომელიც მას გარს არტყია, მის გულს ათბობს და აფართოვებს და მასში მტკიცე ერთგულების, შემსკვალულობის და თავდადებულობის გრძობას ჰბადებს და ამარტებს, — იმ ერთგულობის, შემსკვალულობის და თავდადებულობისას, რომელნიც თანდაყოლ თამოყვარების გრძობას აღბობენ და აქარწყლებენ. ამ მზრით, ბავშვი თანდათან ემზადება თვის ამ ქვეყნიურ დანიშნულების აღსასრულუბლათ. რასაკვირველია, ცხოვრებაში რომ შევა, აქ იგი ბევრს, ძალიან ბევრს დაბრკოლებას შეხვდება, არა ერთჯერ შედგამს ფესს შეცდომათა გზაზე; მაგრამ თუ მისი პირვანდელი აღზრდა კეთილი და საიშელო იყუ, უნდა იმედი ვიქონიოთ, რომ საფათერაკო გზაზე დამდგარი, ის საბოლოოთ მიინც არ დაიღუბება; მხოლოდ რამოდენიმე ხანს იტრიალებს შეცდომის გზაზე და ბოლო დროს ისევ იმავე ალაგს დაუბრუნდება, რომელსაც დაშორდა, — იმავე წმინდა და ნათელს მისწრაფებებს დაუბრუნდება, რომელნიც მის ბავშობას აცისპროვებდენ. დიხ, უკეთუ უფაღს ადამიანი იმ თავითვე არ დაეყვებია იმგვარ საკეთილო მფარველობის ქვეშ, როგორსაც ოჯახს წარმოადგენს, მაშინ იგი ღვთის საუკეთესო ქმნილებად კი არ აღიზრდებოდა ქვეყანაზე, არამედ ტყის მცეცისაგან მხოლოდ მცირეთ განსხვავებულ არსებად.

თვით ოჯახის დაარსება ასე მოხდა.
 „თქვა უფალმან ღმერთმან: არა კეთილ არს ყოფა კაცისა მარტო; უქმნეთ მას შემწე მზგავსებისაებრი; მიტომ რომ, როცა უფალმა ღმერთმა «შექმნა ქვეყანისაგან ყოველნი მხეცნი ველისანი და ყოველნი მფრინველნი ცისანი, — არა იბოვა ადამისათვის შემწე მზგავსი მისი“ იმდენათ სრული იყუ სიცოცხლით ქვეყნიერობა, რომ, საფიქრებელია, პირველ კაცს მეტი რაღა უნდა დარჩენოდა, თუ არა თავყანისცემა და მადლობა შემოქმედისადმი იმ შეგნებით, რომ მისით და მასში გვირგვინდება ღვთისაგან გაჩენილი მთელი მსოფლიო ცხოვრება. მაგრამ, არა, თვითონ ზეციერმა მამამ განსაჯა, რომ პირველი კაცის მარტოხელა ცხოვრება სრული არ იყუ, რომ სისრულის თვით იმ სიმაღლეზე და შემოქმედისადმი იმ სამაგალითო სიხილოვესთანაც კი, რომლითაც პირველი კაცი სარგებლობდა, მისთვის

*) ის. „მწეუმა“ № 3, 1904 წ.



საჭირო იყო „შემწე მსგავსი მისი“, — შემწე, რომლის მაგიერობასაც, როგორც სჩანს, მას ვერ გაუწევდა ვერც ყოველივე ის, რაც მის გარეშე იყო შექმნილი, და ვერც ის საუცხოო თვისებანი, რომელნიც თვით მასშივე იყვენ ჩანერგულნი. „და თქვა უფალმან ღმერთმან: არა კეთილ არს ყოფა კაცისა მარტო; უქმნეთ მას შემწე მსგავსებისაგები“.

და აი, როგორ და საიდან გაუნდა კაცს ეს „შემწე მსგავსი მისი“: „და დასდვა ღმერთმან განკვირვება ადამს ზედა, და დააძინა; და მოიღო ერთი გვერდთა მისთაგანი, და აღუესო ხორცითა მისწილ. და აღუშენა უფალმან ღმერთმან გვერდი, რომელი მოიღო ადამისაგან, ცოლად; და მოიყვანა იგი ადამისსა. და თქვა ადამ: აწ ესე ძვალი ძვალთა ჩემთაგანი, და ხორცი ხორცთა ჩემთაგანი, ამას ეწოდოს ცოლ, რამეთუ ქმრისა თვისისაგან გამოიყვანა ესე“. ამ რიგათ ის შემწე, ურომლობაც კაცს არ შეუძლია, არის ცხადი, — ე. ი. ისეთი არსება, რომელიც არამც თუ მარტო ისეთისავე ბუნების პატრონია, როგორისაც მამაკაცი, არამედ იმავე დროს ნაწილია მისი და მერე იმდენათ საჭირო ნაწილია მისი რომ უიმისათ მამაკაცის არსებობა ცალმხრივია და უსრულია, ანუ როგორც თვით უფალი ბრძანებს, „არა კეთილ არს“.

აი რისთვის უნდა „დაუტეოს კაცმან მამა თვისი და დედა თვისი და შეურთდეს ცოლსა თვისსა, და იყვნენ ორნივე იგი ერთ ხორც“. ოჯახი ადამიანს ნამდვილი ცხოვრებისათვის ამზადებს; მაგრამ, შემდეგ, როცა დამოუკიდებელი არსებობის დრო მოუვა, მამის მისი აღმზრდელი ოჯახის გავლენა და მფარველობა, მისი მშობლების სიყვარული და მზრუნველობა საკმაო აღარ არის; საჭიროა მის არსებას სხვა, დედამამაზე უფრო მახლობელი და უძვირფასესი არსება შეავსებდეს; ისეთი არსება, რომელიც მზათ იყოს მას მტკიცეთ და სამუდამოთ შეურთოდეს, უკანასკნელ ამოუსუნთქვამდის განუყრელად შეუკავშირდეს და მთელი სიცოცხლის განმავლობაში მისი ნამდვილი შემწე და აზნაავი იყოს, — ერთი სიტყვით საჭიროა ცოლი: „შეეყოს (შეურთოდეს) ცოლსა თვისსა და იყვნენ ორნივე იგი ერთ ხორც“.

ასეთია ოჯახის დაარსების კანონი. მას საფუძვლად უძევს — ცოლისა და ქმრის განუყრელი ერ-

თობა, — ერთობა განუყრელი რაიმე გარეშე ძალდატანებისა და აუცილებლობის გამო კი არა, არამედ იმ შინაგან, მტკიცე და ურყეველი კავშირის წყალობით, რომელსაც სიყვარული ჰქვია. სიწმინდით დაცული, ეს კანონი იმდენ სიკეთესა და იმდენ სიხარულს ანიჭებს ადამიანს, რამდენიც-კი შესაძლოა ამ ქვეყნად, — სიხარულს და სიკეთეს, რომელსაც ვერავითარი სულის მუსკვა, სინიდლის ქენჯნა ვერ მიეკარება და რომელიც სულს ამშვიდებენ და ასპეტაკებენ. ამისთანავე ეს კანონი თვით ოჯახსაც ანიჭებს იმ მნიშვნელობას და ძალას, რომლებზედაც მტკიცეთ დამყარებულია მთელი საზოგადოების კეთილდღეობა. პირიქით, ამ კანონის დარღვევა და მისი გვერდის აქცევა იმდენს დამღუბველ შედეგებს იწვევს, რომ საშუალოთ ამახინჯებს და სწამლავს ადამიანის სიცოცხლეს და თვით მას, ხატსა ღვთისსა, პირუტყვის მდგომარეობაში აგდებს. ხოლო საოჯახო დასაბამის დაცემას უცილებლათ თან მოსდევს — დაცემა და თითქმის სრული დარღვევა საზოგადოებისა, — იმ უბრალო მიზეზის წყალობით, რომ უკეთუ საფუძველი გაიხრწნა, შენობაც აუცილებლათ დაიქცევა; თუნდაც რომ სხვა კავშირები საიმედო იყოს ნაკეთები. და ადამიანთა რამდენი საზოგადოებამ დაიქცა უკვე და დაიღუპა ამნაირათ!..

შეგვიძლია, ძმანო, თავი ვიკითხო საოჯახო კანონის მტკიცე დაიცვით?.. თავს ვერაფრით ვიკებთ, უკეთუ ჩვენი ნამდვილს ცხოვრებას ჩავაკვირდებით. განა ჩვენი საზოგადოების უმრავლესობას არ შეეხება პირდაპირ მოციქულის სიტყვები: „მისცნა იგინი ღმერთმან გულის-თქმასა გულთა მათთასა, არა წმიდებად და გინებად ხორცთა მათთა მათთანა, — მისცნა იგინი ღმერთმან გამოუტყდელსა მას გონებასა, საქმედ უჯეროვასა“ (რომ., I, 24, 28). ნურაფერს ვიტყვით იმ პირების შესახებ, რომელნიც სხვადასხვა მომიზეზებით ოჯახურ ცხოვრებას გაურბიან და მთლათ ერთიანათ ათასგვარ უჯერობის და გარყვნილობის წუშპეში ეფლობიან, — ამგვართა რიცხვი ხომ ყოველდღე მატულობს! ოჯახი განა ყველა ჩვენგანისათვის წარმოადგენს მსხნელ და მფარველ დაწესებულებას ყველა ამ უჯერობათაგან? საჭირო არაა ამ კითხვებზე პასუხი, — საქმე ისედაც ცხადია. და ანკი სხვარაგვარ როგორ შეიძლებადა ყოფილიყო, როცა უმეტეს ნაწილათ ცოლსა და ქმარს შეგნებული სიყვარული კი არ აერთებს, არამედ



საანგარო მოსაზრება და ვაქრული მორიგება—უბრალო გარეშე მოვლენანი?.. შინაგანი კავშირი ოჯახის უმთავრეს წევრთა შორის აღარ არსებობს,—და რაღა გასაკვიროლია, თუ ვნებთა პირველ აშლისათანავე იქითკენ ვაბზიან, საცა ვის მოვფიქრება. აგერ გახედავ, —და მათ კვალს მისდევენ შვილებიცი,—რადგან მართლაც რას უნდა მიბაძოს შვილმა, თუ არ მშობელთა მავალითს?.. და, მერე, სადამდის შეუძლია მივეცივანას ამ მდგომარეობაში?.. შესაძლებელია იგივე განმეორდეს, რაც ერთ დროს უკვე იყო სახელდობრ: „იხილა რა უფაღმან ღმერთმან, ვითარმედ განმრავლდეს უსჯულლოებანი კაცთანი ქვეყანასა ზედა,—თქვა: „აღვხოცო კაცი, რომელი შეეკმენ, პირისაგან ქვეყანისა“ (შექმნათა, VI, 5, 7).

„აღვხოცო“?! და განა არ იმუსრება კაცობრიობა თუ სულ არა, შემაძრწუნებელი უმრავლესობა ხომა მინც, ათასგვარ სნეულებით, ომიანობით და ათითასგვარ უბედურობით?.. მაგრამ მინც არ სწორდება და გონზე არ მოდის კაცობრიობა ყველა ამ სასჯელით. მას დავიწყებული აქვს მაცხოვრის სიტყვები: „უკეთუ არა შეინანოთ, ვერგევ სახედ ყოველნი წარჰსწყმდეთ“ (ლუკ., XIII, 3).

ს. გორგაძე.

(ვაკრქლეება იქნება)

რადამცინის პასუხი.

ბაღ. მღ. დ. ჩ.—ქს. სანამ ხელნაწერი არ ინახება მანობამდისინ ვერ გეტყვით დავებქადეთ „მწყემსში“ თუ არა, აღექსანდრე ნეველის ლავრის წინამძღვრად ითვლება თვით მიტრაპოლიტი ანტონი. ქველმოქმედთა პირები ვაზეთებიდან შეგვიძლიათ შეიტყოთ როცა მათ შეწირულებას აცხადებენ.

გვკ. მოსამსახურეს. მესამეჯერ დაქორწინებული მედავითენ უნდა დათხოვნილ იქმნეს თავის თანამდებობიდან.

მღვ. კახაიას.

მღვ. ნ. მასაურაძეს.

ქურნალ-გაზეთის დასაკვეთი ფულები უნდა რედაქციაში გამოგზავნოთ. გაზეთები შეგვიძლიათ მიიღოთ წიგნების მკაზმელ მეიერ მინოვიჩის სახელწოდან.

ტიბიკონის წიგნი იყიდება მანეთად და გამოგზავნის ხარჯი რედაქციამ რატომ უნდა იკისროს? გამოგზავნით ეხლა ამ წიგნს; მაგრამ ყველამ იცოდეს მინც ამას შემდეგ, რომ სრულებით ჩვენ არ ვკისრულობთ ამ წიგნის მოპოვებას და ვაგზავნას. გამოცემში ამ წიგნისა არის მღვ. რაჟდენ ხუნდაძე მას უნდა მიმართოთ წერილით ქუთაისში.

რადამცინისაგან.

ზოგიერთი ჩვენ ქურნალზე ხელის მომწერნი, კიდეც იყურებიან: „გზავნი რა სამს ან ხუთ მანეთს ვსთხოვთ რედაქციას გვიგზავნოს „მწყემსი“ ამ 1904 წელში“. სრულებით არას იწერებიან იმაზე, რომ გამოგზავნილი ფულები არის წარსულ წელში მიღებული ქურნალისა და არა ამა 1904 წლისა. რომელაც ასე ბუნდეთ მოიწერება მათ ქურნალი არ მიუა.

ზოგიერთებიც კიდე იყურებიან: „გთხოვთ ქურნალი გვიგზავნოთ და ფულს თავის დროზე გამოგზავნოთ“. ნეტავი როდის არის ეს „თავისი დრო“? ზოგს ვაზეთის ხელ-მოსაწერი ფულის გაგზავნის დროდ მიაჩნია მეორე წლის იანვრის თვის ბოლო. სწორეთ კარგი დროა!.. ამისთანა წერილების ავტორები და ვაზეთის მიღების მსურველნი ჩვენ მოგვაგონებენ ზოგიერთ ჩვენ „ინტელიგენტებს“ რომელნიც დაბრძანდებიან ხოლმე სასტუმროში ან რესტორანში, კარგათ მიირთმევენ და სასტუმროს პატრონს ეტყვიან: „ჩასწერეთ დავთარში და თავის დროზე მიიღებთ“! სწორეთ ახირებული ჩვეულებაა!..



ბანსხალეა.

მიიღება ხელის მოწმობა 1904 წლისათვის მკვირავულ ბაიოცემებათა ქართულს

„მწეემს“-ზე

რუსულ «ПАСТЫРЬ»-ზე

ქურნალის ფასი:

| | |
|----------------------|---------------------|
| 12 თეთი «მწეემსი» | 6 თეთი «მწეემსი» 20 |
| სამკურნალო ფურცლის | |
| დამატებით — 4 მ. | „ რუსული „ 2» |
| — „ რუსული „ 3 მ. | |
| — „ ორივე გამოცემაზე | „ ორივე გამოცემა 3» |

ბაზეთზე ხელის-მოწერა შეიძლება დაბა ყვირილაში რედაქციაში, ქუთაისში ბნ ესტატე დამბაშიძესთან, თბილისში წყნარ-კოხვის გამოცემელებელ სპოგადოების წიგნის მაღაზიაში, ბ. შიო ქუყუკა შვილთან. ხსალსენავში — ბლაღონინ მამა არ. კალანდარი შვილთან.

სოფლის მასწავლებელთა და ღარიბთა განვითარების დავითობათ მთელის წლით ორივე გამოცემა სამ მ ს ე თ ა დ რედაქცია იმყოფება დ. ყვირილაში რედაქტორის საკუთარ სახლებში.

მარევე მკბოვრებთ ქურნალის დაბარება შეუძლიათ ამ აღრესით: Вь Квирიალს, в редакцию газеты и журнала „МЦЕМСИ“ и «ПАСТЫРЬ».

რედაქციაში მოიპოვება წარსული წლების რამდენიმე სრული გამოცემანი „მწეემსი“-სა, რომელიც ორ მანეთად დაეთობათ მსურველთ.

რედაქციაში მოიპოვება აგრეთვე სხვა-და-სხვა სასულიერო შინაარსის გამოცემანი, რომელთა კათოლიგი დრო-გამოშვებით ქურნალშიდაც იბეჭდება და მსურველთაც შეიძლება დაიბარონ რედაქციიდან.

პირიკლავი

გალობის მასწავლებელი სერგეი ჯინჭვალაშვილი ხსწავლის ქართულს საეკლესიო და სერო გალობას ნოტების საშუალებით. თანაც ამხადებს მოსწავლეებს საქალაქო სასწავლებლისათვის.

ბინა: ვასილ მაჭავარიანის სახლი — ზედა ხიდის ზირდაზირ.

ქუთაისში

ს. მ. პ. იოიუკოიას

ს ა ა ვ ა დ ე უ რ უ შ ი,

რომელიც იტოფება მათი უმადლესობის ზრინც ალექსანდრე ოლდენსურგელის მფარველობის ქვეშ, 75 საწოლია შინაგან, ნურგებისა, საქირურგო, დედათა და თვალთა ზავდმოფოთათვის, მშობებრეთა განყოფილებით და ქიმიურ-მიკროსკოპითულ გამოკვლევათა კაბინეტით. გადამდების სენითა და სულით ზავდმოფოთ საშუაწრალია არ დეპუტატს.

ფასი დღე-ღამეში ქამასისა და მკურნალობისათვის 1 მანეთიდან 3 მანეთამდე. (V)

ზ ი ნ ა ა რ ს ი:

სალიბარატორო განყოფილება: მწარე ფიქრები, სოფლის ხეულის. — მიზეზები კაცის მრავალ უბედურებათა. ნ. ხ. — კ. — იმრეთის ეპარქიის სამღვდლოების დეპუტატთა კრება ქ. ქუთ. 15 — 22 დეკემბერს, დამსწრესი. — წერილი რედაქციის მიმართ, ს. გორგაძის. — ვიდე ადმირალი პავლე სტეფანეს ძე ნაბიშვილი, დეკ. დ. დამ — ძისა. — არიან თუ არა ქრისტიანები იაზნაიაში?, მისივე. — ქურნალ-განუთვლიდან. — რუსეთის პრესას რუსეთ-იაპონიის ომის შესახებ. — იმპერატორი ნიკოლოზ მეორე. (სურათი) — იაპონიის იმპერატორი. (სურათი) — ხალი აშხები და შენიზი.

სწავლა და მყენიერება ქრისტიანობის სარწმუნოებას და კითხვ-ზემოხაზე: საუბარი დაბადებიდან. ს. გორგაძის. — რედაქციის პასუხი. — რედაქციისაგან. — განცხადებანი.

რედაქტორ-გამომცემელი დეკ. დ. ლამაშიძე Редакторъ-Издатель П. Д. Гамбашидзе.
Дозволено цензурою Архимандритъ Георгій Марта 16 1904 г.

Типог. редакци журн. „Пастырь“ (П. Д. Гамбашидзе) вь Квирიაлах вь собет. домъ.